

明史稿
衡云山人集

明文鶴
衛云山人集

南疆繹史勘本卷二十二目錄

雪川溫氏原本

古高陽氏勘定

列傳十六卷

熊汝霖

鄭遵謙增

錢肅樂

張烜言

羅子木楊冠玉王居敬增

右浙東閣部諸臣列傳第十六○熊錢二公及

張司馬三人者天下才也使其當盛世且與前

王爭烈矣不幸而值于末流也謀之不見用用

之不得盡其才譬諸九尺之軀俯首矮簷中吁
可悲也夫錢旣阨于強帥熊復凶終張亦佗祭
無聊以死甚矣盜賊小人烏足以其功名哉

◎溫氏於此三傳皆弗詳也今通篇勘補合此
三公爲一卷義興伯鄭遵謙原本闕名得增列
案江東之兵實惟鄭履恭一夫作難鼓厥士氣
而孫熊諸軍聯鑢樹纛聲勢遂振錢忠介甬江
集義奉表倡迎其心於監國也始終無間無如
尊其言而不果於行監國有云先生手疏予悉

藏之時從鎧下展覽吁事惟悍帥命雖終夜不
寢亦復笑益忠介初臨江許困於方王之北好
而幾不免及處海厓困於鄭彩之專政而終不
免力爲彩地而翻爲彩害賢人隘塞小人侈張
旣結兵連卒無成就若張司馬蒼水則顓事監
國而其節尤苦始也在江上則力爭頒詔自請
使閩釋嫌在海上則轉移鄭氏化舊隙以致用
泊至晚歲以蒼頭異軍流離山海間屢起屢蹶
未復欲奉王再舉逮夫力必不支而後擻軍避

世是蒼翁之始終爲監國結果也謝山全氏曰
公富安撫書前半如謝疊山之却聘後半如陳
文龍之請漳泉三郡以存宋祀凡此數大節目
皆爲蒼翁十九年中之最大作用也觀其堅持
苦節百死不移而惟我

仁祖宥卹孤忠惓惓無已直是亘古所罕覲備
之詳之正所以見我朝

列聖如天之度拾遺補闕攬溫氏之本則固矣

南疆繹史勘本卷二十二

列傳十六卷

熊汝霖字雨殷餘姚人崇禎辛未進士知同安縣有治聲擢戶科給事中疏陳應來用將之非論天下督撫得失已而京師戒嚴分守東直門嘗因召對極言將不任戰南北往返如厮隸之於貴官負弩前驅望塵靡及而已何名爲將何名爲督師帝深然之戒嚴以來疏凡二十上帝惡其中有飲泣地下語謫爲福建按察使照磨福王立以原官給事中起用轉吏科

汝霖言諸臣爭誇定策罔計復仇處堂未已且爲門
穴始之武與文爭繼而文與文角殿廷之上無人臣
禮此豈立國之規哉士英銳意起阮大鍼汝霖言陰
陽消長間不容髮國家必欲求奇才草澤中尙不乏
人何至擇及丹書閣臣此舉無乃負先帝負皇上乎
臣自丹陽來知浙兵爲邊兵所擊火民居十餘里邊
師有言四鎮以殺掠獲封爵我亦何憚而不爲臣意
四鎮必毅然北征一雪此耻今戀戀淮揚何也况一
鎮之餉多至六十萬勢必不能供卽倣古藩鎮法亦

常在大江以北開屯設府會與交之內而逮以藩籬
視之頃之言臣竊觀門前大勢無論恢復未能卽偏
安尙未可必宜日討究兵餉戰守乃專在恩怨異同
勦臣方鎮舌鋒筆鏑是遲近且以匿名帖逐舊臣以
疏遠宗親劾宰輔中外紛紛謂將復廠衛夫廠衛樹
威牟利小民難大無寧日先帝一十七年憂勤惕勵
曾無失德止有廠衛一節府怨臣民前事不遠後事
可師且先帝篤念宗藩而聞寇先逃誰死社稷先帝
隆重武臣而叛降跋扈肩背相踵先帝委任勲臣而

克營健卒徒爲寇藉先帝倚任內臣而開門延敵反
在禁旅先帝破格擢用文臣而邊陲督撫首鼠兩端
超遷宰執而羅拜賊庭思前日之何以失卽知今日
之何以得矣及今不爲將待何時疏奏停俸尋補吏
科給事中初馬士英薦阮大鍼汝霖爭不可及大鍼
起佐兵部復言大鍼以知兵用當置有用地不宜處
中朝不聽踰月以奉使淮南陛辭言朝端議論日新
官府揣摩日熟少宰樞貳悉廢廷推四品監司竟進
詹尹追賦定罪無煩司寇蹊徑疊出謠詠繁興一人

未用便曰滿朝爲黨人一官外遷輒訾當事爲可殺
而并狡獪耽耽得官置國卹于罔聞逞私圖而得志
黃白充庭青紫塞路六朝佳麗復見今時獨不思他
時稅駕何地耶其語無不切實迄不見用未幾南京
破土英竄杭州汝霖責其棄主杭州破與孫嘉績同
起兵魯王監國擢右僉都御史督師防江戰屢敗是
時畫江爲守汝霖謂非長計欲令諸師畢渡不聽因
率所部千人從小壘渡江進至海寧集父老豪傑激
楊忠義灑淚誓衆聞者莫不感動集拜轅門者且萬

人列行伍分汛地以本邑進士俞元良司餉指揮姜國成主兵由是浙西吳中如響斯應一時號爲熊兵加兵部右侍郎兼左副都御史總督義師閩中詔使劉中藻至議閱讀禮汝霖持不可言主上原無利天下之心唐藩亦無坐登大寶之理有功者王耳若我兵能復杭城主上卽膺大號已是有名若其不能使閩兵克復武林直取建業功之所在誰敢與爭此時而議迎詔未晚也張國維亦持此議于是人心始定丙戌六月朔浙江潰汝霖從魯監國航海入閩會唐

王初亡郡縣盡向附監國卽以汝霖爲東閣大學士
會兵長垣分道進取先後得三府一州二十七縣戊
子在閩安鎮時國事皆專于鄭彩彩暴橫汝霖每折
之彩與定遠伯周瑞交惡汝霖稟擬恒右瑞彩積恨
已深旣而義興伯鄭遵謙與彩爭洋船彩常恐其襲
已也適汝霖自閩安至琅崎休沐守將李茂與汝霖
奴有隙元夕熊鄭兩家相問遺茂卽以合謀告變乃
遣兵潛害之并其幼子投海中

勘本曰乙酉南中下潞王在杭戢山先生偕公編

素渡江公議發羅木營兵拒戰且守獨松關而谿

王定策迎降不納於是東歸蔽山絕粒以兵事屬

之公公歸姚江事未集蔽山垂死遲之不至張目

曰兩殷豈懲約哉既卒之又明日公兵起乃哭於

旂前以行聞六月二十五日會軍西陵駐龍王塘

列營數十參差前却公軍於其中最弱而戰最勇

每出必爲大兵所首衝或敗輒再整不少

月張太傅連江爲陣公與陳公潛夫合營進部將

盧可充史標魏良及從子茂芳先後皆有功未及

十日收兵而止凡四戰勝負相當而魏良陣歿先是公以江面仰攻不易議從間道入內地爲攻心策會海寧查氏繼坤繼佐兄弟至爲言臨平陳萬良之勇公請於王以書幣招之至授萬良平吳將軍適平湖馬萬方亦至遂令西渡復遣部將徐明發以兵策應明發往而萬良方受二大兵困援之免於是公西行殺臨平務官與萬良明發合軍剗五杭敗嘉湖道佟國器兵焚其舟奪其甲礮弓刀之屬是月二十二日也次日剗新墅剗雙林三宿

而至吳江後軍不繼退五杭復退臨平又退至天
開河 大兵正邀擊公以中軍至遂濟江是役也
浙西爲之一震臆月朔張太傅命將西渡乃以所
部應之分流劄營 大兵不果出二十四日議分
道出戰方國安敗走諸將不救公與陳公潛夫王
之仁血戰下流相持久之而諸軍氣已自沮公憤
甚因乞師於張鵬翼裘尙輒仍與陳公公合軍以出
稍有斬獲旣而請封萬良爲平吳伯以吳易爲總
督朱大定錢重爲監軍大定至請期且云嘉善長

興吳江宜興間皆密有成約而瑞昌王在廣德引
領望因是公請由海寧海鹽直趨蕪湖以梗運道
又慮二郡可取不可守則引太湖諸軍以爲犄角
踞浙西肩背萬良言但得兵三千餉半月即可有
成顧公軍實不滿千餉又減口而給陳公軍已不
支他營之足兵足食者咸不足信坐眎而已雖大
聲疾呼繼之痛哭而終莫之應惟孫公嘉績遣餘
姚知縣王正中獨進乍浦不克還萬良三疏請行
遁力爲之措得餉又無舟卽由陸路冒矢石以進